

# مرحلة البعث " الساعات الأولى من يوم القيامة " |

## #كلمات\_التراويح | د. حازم شومان

حازم شومان

عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. اما بعد اخواني واحبابي في الله يعني قضية بتعمل انقلاب في - 00:00:00

حياة اي انسان بتدخل في قلبه بيدخل في قلبه الاحساس بهذه القضية. قضية الدار الآخرة. الناس كلها دلوقتي ماشية حزينة ومهمومة. بس اسأل ده مهموم ليه؟ هتلاقيها بسبب فلوس. ده مهموم ليه؟ بسبب ديون، ده مهموم ليه؟ بسبب مشكلة صحية، ده مهموم ليه؟ بسبب طيب مين اللي ماشي - 00:00:20

مهموم بسبب اول ليلة في القبر. مين اللي ماشي مهموم بسبب مشكلة هيعدي من على الصراط ولا لا؟ هو ممكن ناس تعيش كده؟ الصحابة كانوا كده ابو طلحة دخل على ام سليم ووضع رأسه على رجلها واخذ يبكي بتبكي ليه؟ يعني انت داخل وقاعد مع زوجتك فاخذ يبكي فقال - 00:00:40

لها ابكي لان الله سبحانه وتعالى اخبرنا انا واردون من على الصراط وان منكم الا واردها. اخبرنا ان واردون على الصراط ولم يخبرنا انا صابرون من على شفير جهنم. قضية ان يا اخوانا يعني هم القلب واهتمام - 00:01:00

القلب بالدار الآخرة. الدار الآخرة كاننا نراها. عايزين نتكلم عن مشهد من مشاهد الدار الآخرة. يوم القيامة خمسين الف سنة. خمسين الف سنة ده قصة كبيرة جدا يعني لو كل سنة نتكلم عنها في دقيقة احنا عايزين خمسين الف دقيقة يعني عايزين تلت سنين ونص يبقى في درس يومي من المغرب للعشا - 00:01:20

يوميا لمدة ثلاث سنين ونص عشان بعد الثلاث سنين ونص يبقى اتكلمنا عن كل سنة في دقيقة خمسين الف سنة مليونين احداث. مش خمسين الف في سنة الناس واقفة مش عارفة تعمل ايه. او الناس معظمها قاعد مستني وخلاص. خمسين الف سنة مكتظين بالاحداث. مكتظين بالمشاعر - 00:01:40

القرآن بيعيشك في الدار الآخرة تعيش غير يعني لا يتخيل يوم القيامة يا اخوانا يوم القيامة ده مراحل زي مناتيجي امتحانات كده الامتحان الاول كذا الثاني كذا بعد كده شفوي بعد كده عملي. بعد كده ورقة اولى قبل كده ورقة تانية ايا ما كان يوم القيامة مراحل. نتكلم النهاردة - 00:02:00

مرحلة واحدة بس من مراحل يوم القيامة. لما هنتكلم عنها نتذكر بس ان احنا لسة في الساعات الاولى من الخمسين الف سنة. يعني كل اللي احنا هنقله النهاردة ده كل ده الساعات الاولى في الخمسين الف سنة. يوم القيامة يوم مكتظ بالاحداث. مكتظ بالاحداث. القضية قضية مصدقين - 00:02:20

مش مصدقين لما حصل تسونامي امريكا قالت هتعمل مجسات استقبال انزارات مبكرة للزلازل على مدى كل شواطئ امريكا في الشرق والغرب لانه مصدق ان ممكن يجي زلزال. طب اللي مصدق بالدار الآخرة هيبقى حاله ووضعه شكله ايه؟ هنتكلم عن مرحلة اسمها - 00:02:40

مرحلة البعس غير الحشر غير الميزان غير الصراط. حاجة اسمها البعس. يعني ايه البعس؟ يعني واحد كان ميت وصحي بس هو ده

البعس. ولكن الداخلية بتاعته شكلها ايه؟ تفاصيل جوة تفاصيل وكل ده الساعات الاولى من الخمسين الف سنة نتكلم عن اول مرحلة -  
[00:03:00](#)

هي حقيقة ثاني مرحلة لان اول مرحلة بتحصل مع اول ليلة في القبر لكل انسان مننا. ولكن المرحلة الجماعية في يوم القيامة اسمها  
البعس المرحلة الاولى ايه البعس اول مرحلة من مراحل البعس؟ حد يتخيل هي ايه؟ اول مرحلة بعث الملائكة. هي الملائكة بتموت؟  
قال تعالى - [00:03:20](#)

ونفخ في الصور فصعقا من في السماوات ومن في الارض. من في السماوات الاول الملائكة كلها بتموت. وملك الموت بيموت وحمل  
العرش بيموتوا. وجبريل بيموت كل الملائكة بتموت. سبحان الملك! سبحان الملك! الحي الذي لا يموت! وكل الملائكة بتحيا -  
[00:03:40](#)

على ما ماتت عليه ما هو كل انسان بيبعس على ما مات عليه. قال تعالى يوم يقوم الروح والملائكة صفا. الملائكة عاشت صفوف في  
العبودية لله تبعث وتقوم كما ماتت. ملائكة السماوات السبع الاول بتحيا. لان ملائكة السماوات السبع تنزل الى الارض وهتنتشر عشان  
كل انسان - [00:04:00](#)

كان هيطلع فيه ملائكة للصراف وملائكة للميزان وملائكة لحوض النبي وملائكة للجنة وملائكة للنار وملائكة للعرض على الله. وسائق  
وشهيد لكل انسان ولكل جن هيطلع من تحت التراب مرحلة بعث الملائكة. المرحلة الثانية في البعث تجميع تراب البشر عشان -  
[00:04:20](#)

يتكون مرة ثانية. يعني ايه تجميع تراب البشر؟ ربنا بيقول في اية من اغرب ما تكون في القرآن. قال تعالى قد علمنا ما تنقص منهم  
يعني كل واحد الارض بتاكل منه بعد ما بيموت ربنا يعلم الارض بتاكل منه ايه. اسمع بقى النص الثاني من الاية اللي لو تخيلتم -  
[00:04:40](#)

اي المدى علم الله؟ وعندنا كتاب حفيظ. علماء التفسير قال لك يعني كل ذرة تراب بتتكون من اسد انسان ميت بتروح في الشرق او  
في الغرب. الله يعلم ذرة التراب دي راحت فين؟ كل انسان لما بيتحول لكتلة - [00:05:00](#)

التراب التراب ده كل ذرة فيها بتروح في حنة من الارض. الله يعلم زرات تراب كل انسان راحت فين؟ شيه غريب جدا. شيه من  
اعجب ما يكون ده علم ربنا. قال تعالى يا بني انها ان تك مثقال حبة من خردل. لو تراب اجساد البشر تفتت بعد موتهم. فتكن في  
صخرة - [00:05:20](#)

التراب اتكون حوايلها صخور وجبال على مدى الاف السنين. او في السماوات ذرة تراب علقت في رجل رائد فضاء طالع القمر وراحت  
في الفضاء او في الارض سافرت في مجاهيل الصحاري والجبال والمحيطات والبحار والانهار يأتي بها الله - [00:05:40](#)

الله هيأتي بزرات تراب كل انسان في هذه اللحظة. عشان كده قال تعالى وما يعزب عن ربك من مثقال كل ذرة في السماوات ولا في  
الارض ما فيش ذرة تراب لجسم انسان هتخرج عن هيمنة الله. الله سبحانه وتعالى يأمر فتتجمع ذرات تراب. كل - [00:06:00](#)

لانسان المرحلة الثالثة مرحلة تكوين الاجساد ونفخ الروح. تكوين الاجساد ازاى؟ ذرة التراب اللي كانت في جسمي ده مش هتروح في  
جسمي ده ذرة التراب اللي كانت في الكبد مش هتيجي في العين. جار ذرة التراب اللي كانت في الصدر مش هتيجي في الرجل. كل  
ذرة تراب عارفة مكانها. وكل - [00:06:20](#)

التراب عارفة موقعها. الانسان بيتكون تحت التراب ايدين. رجلين بيتكون مرة ثانية. ونفخ الارواح. المشركين لما انكروا البعث انكروا  
البعث ليه؟ هو الوقت الانسان وهو بيتكون كان الاول نطفة علق مضغة عظام طفل غلام شاب - [00:06:40](#)

راجل انت عايز تقول لي ان كل المراحل دي في لحزة بيطلع راجل كامل او بتطلع واحدة كاملة ما فيش تدرج لأ ما فيش تدرج يوم  
القيامة كل واحد هيطلع زي ما مات. طب انت عايز تقول لي ان ربنا كان بيخلق في الدنيا كل يوم ربع مليون انسان بيتولد. يوميا ربع  
مليون انسان بيتوفى - [00:07:00](#)

يعني السبعة مليار اللي عايشين على وجه الارض اتولدوا ربع مليون. برقع مليون. انت عايز تقول ان المليارات دي كلها من اول ادم

لحد يوم القيامة كله هيطلع في لحزة واحدة كله هيطلع في لحزة واحدة. ده مش المليارات دي. ده متين تلتमित مليار بني آدم

طالعين في لحزة واحدة - 00:07:20

ومتين تلتमित مليار جن طالعين في نفس اللحزة. وابليس طالع من تحت التراب وجميع الكائنات اللي ربنا خلقها. الوحوش وحوش

وكل الكائنات كلها طالعة من تحت التراب. والولدان طالعين شيب. والموودة طالعة مبعوثة من تحت التراب كل - 00:07:40

دي حاجة طالعة من تحت التراب. الكل طالع فبيبقى المرحلة الثالثة مرحلة تكوين الاجساد. ودي معجزة ان كل ده في لحزة واحدة.

كل ده في نفس وقت بالزبط ونفخ الارواح في الاجساد. بتيجي المرحلة الرابعة من مراحل البعس احنا ما ننساش ان احنا في

الساعات الاولى من يوم القيامة. كل - 00:08:00

ايه ده! لسة الساعات الاولى! ده احنا لسة ما دخلناش اصلا في حاجة اسمها حساب. المرحلة الرابعة هي التي قال الله عنها. واذا القبور

بعثت وقال تعالى لا يعلم اذا بعث ما في القبور. ايه بعثت القبور ديت ؟ انا عندي متين تلتमित ربعميت مليار بني آدم الوقتي تحت

تراب الكرة الارضية - 00:08:20

المطلوب ان كل دول يطلعوا انت مدرك ان الوقتي فيه مقابر مدفون فيها مئات الالاف من الناس. من ثلاث اربع تلاف سنة كان فيه

مقابر تانية في طبقة تانية مدفون فيها من عشرين الف سنة ممكن كان فيه مقابر تالطة. تخيل بقى ان مقابر فيها ناس من العصر ده -

00:08:40

مقابر تانية للفراعنة. مقابر تالطة للامويين والعباسيين. مقابر رابعة للفيقيين والكنعانيين. مقابر خمسة للناس اللي ماتوا ايام سيدنا

نوح سيدنا آدم حاجة مليارات البشر تحت التراب. مرحلة البعثة زي ما يكون في ولد صغير مسلا في البيت عايز يجيب قميص -

00:09:00

من الدولاب والهدوم كلها في بعضها. يقوم يدخل هو بيعمل ايه ؟ لأ مش ده ولا ده ولا ده ولا ده ولا ده. يفضل بيعتر الهدوم لحد ما

يطلع القميص يكون الهدوم بقت كومة كده قدام الدولاب يقول لك ده بعث الهدوم. افلا يعلم اذا بعث ما في القبور لما - 00:09:20

بيك تطوف في الارض كلها ما فيش جسد مش هيطلع. ما فيش انسان ما بيعترش ما حوله حتى يخرج البشر وتيجي المرحلة

اللي بعد كده مرحلة الخروج العظيم بقى. مرحلة خروج المليارات دي كلها في نفس واحد. كما قال تعالى - 00:09:40

يخرجون من الاجداث كأنهم جراد منتشر. كأنهم جراد منتشر. الجراد لما بيضع البيض بالملايين. والبيض افقس مرة واحدة من تحت

رمل الصحراء ويطلع البيت كله يطلع الجراد كله يقفز من تحت الارض كده كأنهم جراد منتشر - 00:10:00

البشر لما بيخرجوا من تحت التراب بيبقى شكلهم ايه. ربنا بيصور في آيات كتير في القرآن منظر الناس وهي خارجة. اية يقول لك

جراد انتشر انتشار كلمة الانتشار ديت تخليك تحس ان المنزر شكله ايه. ها يموج بعضهم في بعض في اخر سورة - 00:10:20

في اخر سورة الكهف تخيل كده البشر كأنهم امواج بالملايين لقوا موجة خبطت في موجة البشر بيتدافعوا ما حدش عارف يروح فين

قال تعالى يومئذ يصدر الناس اشتاتا. اشتد الانسان المشتت ده. مشتت الزهن مش عارف يفكر. مشتت - 00:10:40

الاتجاه مش عارف يروح فين. المنزر ده منزر بعس الناس. كل واحد بيطلع عليه اسر الطاعة بتاعته او المعصية بتاعته متفرشة تبعس

على ما ماتت عليه من الثياب. كفاية دي ان اللبس اللي كانت بتلبسه بالدنيا هتطلع عليه. هو مش الناس هيطلعوا وراه؟ لأ اصل اللبس

هنا مش - 00:11:00

قضية كساء اللبس هنا قضية ان ده اسر المعصية اللي ماتت عليها. اللي اتجوز اتنين وزلم واحدة على حساب واحدة يطلع يوم القيامة

شق مائل زي الملوحة كده اللي كان بياكل الربا يطلع يوم القيامة زي المجنون لا يقوم الا كما لا يقومون الا كما يقوم الذي يتخبطه

الشیطان من المس - 00:11:20

اللي سرق ارض واحد سرق ارض واحد. واحد سرق ورس واحد. يطوقه من فوق سبع اراضين. يعني طوق حوالين رقبتة منزر رهيب

المتكبر يطلع قد الزر يتداس بالرجلين. صاحب القرآن يلاقي القرآن مستنيه انا صاحبك القرآن. انت - 00:11:40

ما سبتنيش في الدنيا وانا مش هاسيبك النهاردة المتصدق سحابة الصدقة كأنها سحابة تظله يوم القيامة ما لوش دعوة بحر الشمس.

كل واحد طالع عليه اثر ما مات عليه. عشان كده ربنا سبحانه وتعالى يقول لك - 00:12:00

يعرف المجرمون بسيماهم فيؤخذ بالنواصي والاقدام. الناصية اللي قررت المعصية والرجل اللي اتحركت للتنزيل القرار هنا والتنفيذ كان هنا يؤخذ بالنواصي والاقدام. يعني ايه يعرف المجرمون بسيماهم؟ زمان كان العرب لما يحبوا يعلموا - 00:12:15

الجمال بتاعة فلان عن فلان يكوي الجمال دي في رجليها اليمين. يبقى دي بتاعة فلان المكوية في رجليها اليمين. ودي تتكوي في رجليها الشمال يبقى اللي عندها علامة الكوي في رجلي الشمال بتاعة علان يعرف المجرمون بسيماهم كأن كان في حاجة تحت الارض وهو طالع عليه اثر تعذيب معصية اصلا ولا - 00:12:35

اعوذ بالله او اسر تنعمه بالطاعة بتاعته بازن الله سبحانه وتعالى. الناس طالعة من تحت التراب بالمنزر العجيب ده ربنا ان الناس ما تترتبش الوقت. لسة مش مرحلة ترتيب الناس. ولا مرحلة تفويج الناس. ولا ولا دي الارض اللي الناس هتتحاسب عليها اصلا. دا لسة الناس - 00:12:55

تنتقل لارض تانية اسمها الساهرة تحاسب عليها. الارض دي دي الكرة الارضية اللي عاشوا عليها وهي دي اللي بيبعثوا من عليها. الشاب اللي كان مفتون بالمواقف الوحشة او القنوات السيئة او عينيه هيئة ارساد للي رايحة وللي جاية او مش قادر يغض بصره او او او ملكات جمال العالم قدام - 00:13:15

عينيه ما حدش بيبص لحد. الابن اللي ابوه مات وهو لسه صغير وكان نفسه يشوف ابوه. يوم القيامة هو وابوه طالعين من نفس القبر ما حدش بيبص لحد اللي كان مفتون بالاموال هيشوف اغنى مليارديرات العالم ما حدش هيبص لحد. اللي كان مفتون بالمراكز هيشوف الملوك والامراء وولاد الامراء - 00:13:35

اللي الصحفيين بيطاردوهم من بلد لبلد عشان يجيبوا صورة لبنت فلان وصورة لابن الامير فلان وصورة لبنت مش عارف فلان هيبقوا طالعين ما حدش هيبص لحد. اشتاتا. ده المنزر اللي الناس منزر طلوع الناس. طب الناس طالعة على ايه؟ من كلام الله سبحانه وتعالى. ما هو - 00:13:55

يا اخوانا احنا لما بنتكلم عن الدار الآخرة بنتكلم عن الدار الآخرة ليه ؟ اول سؤال مصدقين احنا مصدقين الطلبة لما اتحط لهم جدول امتحانات من المجلس الاعلى للجامعات وبعد كده من مجلس الكلية لما اتحط لهم جدول امتحانات صدقم وكل واحد رقبتة يعني - 00:14:15

تنت على الكتاب شهرين قبل الامتحان عشان مصدق ان فيه امتحان. طب انا مصدق ربنا؟ طب لو انا مصدق بقى خايفين؟ انا الوقتي لما ربنا بيقول اذا زلزلت الارض ربنا ما بيتكلمش على المريخ ولا المشتري ولا زحل. ربنا بيتكلم على الارض اللي تحت رجلي ورجلك ورجلي دلوقت. ربنا بيتكلم على الكرة - 00:14:35

الارضية ده يعني دلوقت انا ازاى مش خايف اصلا؟ دلوقت لو طلب الثانوية العامة قبل الامتحان وجينا فجأة قلنا لهم امتحان ثانوية عامة بكرة قلبه هيتخلع يبقى المفروض ان احنا بعد التصديق ابقى خايف. طب لو احنا خايفين مستعدين؟ انا فعلا في حياتي - 00:14:55

تنفيذ عملي للاستعداد لليوم ده. يعني لما لما ابو طلحة دخل على زوجته قال لها انا انا الصراط مخليني مش قادر اضحك. انا هعدي من عليه هعدي ولا لا؟ هو انسان بيفكر ويحاول يستعد. لما عبدالله بن جحش قبل غزوة احد قال اللهم ارزقني اليوم رجلا شجاعا - 00:15:15

صنديدا كافرا يقتلني فيبقر بطني. ويقطع اذني ويجدع انفي. فالقاك يا رب بدمي. فالقاك يا رب يا نهار ابيض يا اخوانا! يا جماعة ناس مصدقة يا اخوانا! تصديق عملي. فتقول عبدي لما فعل بك هذا - 00:15:37

اقول فيك يا رب فيك وفي رسولك يا رب. كنت بدافع عن حرمايك وعن وعن نبيك عليه الصلاة والسلام. انسان عايش العرض على الله وبيتهجهز من الوقت هاعمل فيه ايه؟ لما ابو مسلم الخولاني يجلد رجليه في قيام الليل ويقول لها ايحسب اصحاب محمد - 00:15:57

لم يخلفوا ورائهم رجالا. والله لنزاحمهم اليه على الحوض. الشاب اللي كان لسه ملتزم وشاف رؤيا انه على حوض النبي عليه الصلاة والسلام. فصدم ان الدنيا زحمة جدا. فهو عايز هيموت من العطش. عايز يشرب. فقاعد يزاحم ويضرب كتف عشان يطلع قدام -

00:16:17

فواحد زقه كده قال له مش بالدرع. مش بالزق على حوض النبي ده مقامات اصلا. يبقى لو احنا مصدقينها لي احنا مستعدين هل احنا بنستعد عمليا؟ ابو مسلم الخولاني جلد رجليه عشان ساعة حوض النبي عليه الصلاة والسلام. اي مرحلة من مراحل الاخرة

00:16:37 - تصديقها بيقلب

الناس يا اخوانا الدار الاخرة دي قضية خطيرة جدا. وقضية لازم نعيش معها. العلمانيين هيتجننوا ليه؟ من الكلام عن الجنة والنار. ليه لانه عارف ان الكلام ده بيقلب حياة الناس. عارف ان الكلام ده لو دخل في قلب الناس هيسلم لحكم الله في حياته. هينقاد وراء دين

00:16:57 - ربنا

ودي طبعا بالنسبة لهم اكبر مصيبة ان الدين يرجع في حياة الناس. اخواني في الله المشهد اللي الناس بتخرج عليه ساعة البعس. مشهد ايه؟ طبعا ما يقدرش نوصف المشهد ده. لان المشهد ده موصول في القرآن في عشرات السور. ولكن عينة بس من كلام الله. كلا

00:17:17 - اذا دكت الارض

دكا دكا. الارض بتدك. هو الكلام ده يعني واحد من الوعاظ بياألفه. ده ربنا اللي بيقوله. دكا دكا. لما يقول لك هتلر دكا المانيا في الحرب دك فرنسا في الحرب العالمية الثانية. يعني ايه دك دي؟ اية ثانية يقول لك اذا رجت الارض رجا. هو ايه الرج ده؟ لما تجيب ازازة

00:17:37 - دواء يقول لك

قبل الاستعمال عشان مكوناتها تتخلط مع بعض. هي الارض هتترج. هو الارض جواها ايه؟ ثلاث الاف وستمية كيلو متر حجم بركانية متفجرة من سطح الارض اللي تحت رجلينا لحد مركز الارض. وبعد كده تلت تلاف وستمية كيلو ثانيين من المركز للناحية الثانية من

00:17:57 - الارض. يعني سبع تلاف ومتين

كيلو متر حجم اللي ساددها عنا ومش محسنا بها الجبال. عاملة زي سداة فوهة الارض كده. سداها. لما الجبال الكلام ده كله هيطلع. الله! هو الكلام ده موجود في القرآن! لما ربنا يقول دكت الارض! يعني ايه الارض تدك! تترج دي يعني من جوة! انما تدك -

00:18:17

دي يعني من برة يعني ده حاجة وده حاجة. طب اللي طالع على المشهد ده نفهم بقى ليه يومئذ يصدر الناس اشتاتا؟ المقصد اخواني في الله ونحن لا نزال في الساعات الاولى من الخمسين الف سنة ان الناس لما بتطلع بالمنظر ده وبتتم عملية البعث. المشهد الاخير

00:18:37 - بعد ما كل

كل واحد بيقتاده سائق وشهيد كل انس وكل جن والوحوش ماشية الوحش نفسه هو الوحش ما بيتعرضش للبشر ليه؟ هو ما قلبه مخلوع اصلا فما بالك باللي هيتحاسب اذا كان ده اللي مش هيتحاسب. اذا كان ده اللي مش هيتسأل امال اللي هيتسأل. يبقى شكله

00:18:57 - ايه؟ ويبقى المشهد الاخير في

اول مرحلة من مراحل آآ يوم القيامة اخر مشهد في البعس في المرحلة الاولى. مشهد غريب جدا وعجيب جدا. وهو نهاية الكرة الارضية. ده اخر لحظة الناس هتشوف فيها ارض الارض بعد كده هينطبق عليها قول الله ها قال تعالى وما قدروا الله حق قدره

00:19:17 - والارض جميعا قبضته يوم القيامة. الارض بتقضى

زيها زي اي حد ده اخر لحزة في عمر الارض الارض دي كانها مخلوق وبيقبض روحه. كانها مخلوق وبينتهي. لان الناس هتنقاد مع الملائكة ها يومئذ يتبعون الداعي الى ارض ثانية اسمها الساهرة. لم يعصى الله فيها. ودي بداية الحشر بقى المرحلة الثانية. ولكن

00:19:41 - نهاية المرحلة الاولى ان

قبل ما الناس تسيب الارض الارض اللي الناس اتفتنت بالجمال اللي عليها. والذهب اللي عليها. والناس كانت هتموت على اليوروهات والدينارات والدولارات واللاستريوني والذهب والالماز واليهود. الدنيا اللي شغلت الناس عن ربنا. الناس شافت الذهب في

الدنيا ومن غير ما تشوف الاخرة - 00:20:01

النهاردة ربنا هيوريها الدنيا دي بس وهي جوة الاخرة. عشان كل واحد يبص الدنيا اللي شغلته عن ربنا كانت قيمتها ايه ولكن لما شاف الاخرة قال رسول الله صلى الله عليه وسلم تقيء الارض تقيء زي ما واحد يرجع يستقيء يرجع - 00:20:21

بطنه تقيء الارض هترجع. تقيء الارض فلذات اكبادها. مثل الاسطوان من الذهب. الارض هتطلع الذهب اللي في بطنها كله. هتطلع المجوهرات اللي في بطنها. هتطلع الاموال اللي في بطنها. الناس وهي في الموقف ده وبتنقاد للحد - 00:20:41

عشان الارض تطلع كل الكنوز بتاعتها. بقى دي فيأتي السارق وينظر الى المال هو في الدنيا لما كان بيشوف الفلوس كان كان ممكن يقتل عشان ياخذها كان ينسى كل حاجة عشانها فيأتي السارق. وينظر الى الملابس المرة دي بقى هو في الدار الاخرة. ويقول في هذا

- 00:21:01

سرق وتأتي القاتل وينظر الى المال ويقول في هذا قتلت ويأتي قاطع الرحم اللي ما كانش عايز يزور قرابيه تصميم خايف انه يجيب لهم هدايا ولا يتكلف ولا حد يطلب منه خدمة وينظر الى المال ويقول في هذا قطعت رحمي - 00:21:21

ثم يتركوه ويذهبوا. خلاص عرفوا ان الدنيا ما لهاش قيمة. ولكن للاسف في ناس عرفت في ده اللي يبعدني عن ربنا. فيه ناس منوية هنا عرفت قيمة الدنيا وعرفت ان الدنيا دي ما تساويش شلن. الدنيا ديت عاملة زي الاصفار. لو ما اتحطش - 00:21:41

قبلها واحد اللي هو الدين مش هيبقى لها قيمة مسفرة على الشمال ما لهاش قيمة. بتبعد عن ربنا ما تقربش منه. قيمة الدنيا ان هي تعينك على طاعة ربنا وتوصلك لرضا ربنا. احنا في الساعات الاولى من يوم القيامة اتكلمنا عن اول مرحلة. يوم القيامة خمسين الف سنة. مراحل لا حصر لها. القرآن بيصور كل - 00:22:01

لمرحلة تصوير مزهل البعس لو اتكلمنا عنه من القرآن بس احنا عايزين شهر كامل. عشان نتكلم عن البعس بس. القرآن بيحسب لك تفاصيل التفاصيل كل اية في القرآن عن الدار الاخرة تتعلق بموقف ما لوش دعوة بالايات الثانية. فيه ناس عندها كله نار كله يوم قيامة. الموضوع مش كده يا اخوانا - 00:22:21

الايات جواها تفاصيل كثيرة ولكن نحاول كده يعني ايه كل ما يتيسر نمسك نقطة لجنة من لجان امتحانات يوم القيامة قبل ان اغادر المقامي هذا اخواني في الله يعني اخوانكم في جمعية خير زاد اخوانكم في جمعية خير زاد عاملين مشروع الحضانة - 00:22:41

الحضانة اللي هي الاطفال المبتسرين او الاطفال اللي بيتولدوا ولازم يتحطوا في حضانة. مصر سنويا متين الف طفل بيحتاجوا حضانة وفاة المواليد نسبة بشعة. يعني يعني تقريبا من كل مية وسبعين الف ممكن حوالي اربعين الف طفل يموتوا. معظمهم كانوا محتاجين - 00:23:01

حضانات يعني سواب المشاركة في دي مش بس صدقة جارية. ده كمان ومن احيائها فكأنما احيا الناس جميعا. ده بيا نفس اللي جرب منكم موقف الحضانة انا جربتها مع بنتي مولودة قالوا لك حضانة. طب حضانة دي يعني يعني وتخيل ان انت اصدقاء - 00:23:21

كله يعني يعني المفروض ان الموضوع بالنسبة لك ممكن يبقى سهل. فزع يا اخوانا فزع ان انت عندك طفل هيموت لو ما اتحطش على الحضانة المستشفيات الحكومية خمسين ومية طفل يعني ابنك ممكن يكون مات. ممكن يكون اللي بيجري ده واحدة بقى لها عشر سنين ما خلفتش. وده - 00:23:41

اول طفل لها ببسموه بريشيا صبيبي. حاجة في غاية الغلو على قلب اهله. ممكن الطفل يموت على ايد ابوه او على ايد امه لانه مش عارف يوديه فين ؟ مستشفيات الخاصة الف جنيه في الليلة ده تمن الدخول. وبعد كده بقى الف كمان زيههم علاج واكسجين وتنفس صناعي. قضية كبيرة - 00:24:01

جهاز التنفس الصناعي تمنه حوالي خمسين جهاز الحضانة تمنه حوالي خمسين الف جنيه. جهاز التنفس الصناعي حوالي مية وخمسين الف جنيه. عايزين نعمل حضانة خيرية عايزين نعمل حضانة مستوى خدمتها عالي جدا وخيرية. انا شفت ناس والله العزيم تكاد انها تشحت في اكبر مستشفيات البلد - 00:24:21

لان الاب بيبقى هيتجنن. ده ابنه هيموت. فهو فيه ناس باعت عفش بيتها. عشان ولادها يدخلوا حضانة. بيبقى موقف فجأة الايفنيث

الطفل يتولد ابنتكم لازم يدخل حضانة حالا. ويبدأ مسلسل الفزع. سواب ان انا اشارك في حاجة زي ديت. اول حاجة صدقة جارية.

00:24:41 - تخيل

انت الحضانة دي ممكن تخدم تخدم سنويا من الف لالفين طفل. من الف لالفين اغاسة ملهوف. ده في ميزانك عند ربنا سبحانه وتعالى قال وما كان ربك نسيا. اللي هتعمله لولاد المسلمين ربنا هيعمله لولادك. واحد صعب عليه قطة كانت بتموت انقز حياتها - 00:25:01 فيه ناس كده ممكن لو شاف حيوان تعبان يتصل بدكتور بيطري. فيه ناس قلوبها وصلت فيها الرحمة للدرجة دي. ثاني يوم ابنه كان هيموت في حادثة وربنا نجاه ده اللي عمل معروف في حيوان. امال اللي عمل معروف لولاد المسلمين؟ ربنا يعمل لولاده ايه ؟ من اغاث ملهوف ربنا يغيثه قد ايه - 00:25:21

ايه في الدنيا وفي الآخرة من احيا من من احيا فكانما احيا الناس جميعا. يعني السواب كبير يا اخوانا والسواب عظيم نتمنى ان الحضانة دي كلنا نشارك فيها. وكلنا نشد حيلنا فيها. وكلنا نتعاون عشان آآ عشان - 00:25:41 الحضانة دي تتبنى لان دي ازمة يعني من اشد الكروبات اللي بتحصل على المسلمين فعلا مسألة آآ الطفل اللي محتاج حضانة. اخوانا في خير زاد ربنا يبارك فيهم ويفتح عليهم ويسددهم كمان وكمان آآ يعني الرقم اللي سهل جدا ده رقم كله يحفظه كده طبعاً برة الوقت - 00:26:01

لم تبرعات للحضانة. يعني كل واحد فينا يحرص ما فيش واحد او واحدة يخرج الا لما يدي تبرع للحضانة او يعني على الاقل يكتب بقى كده ها يكتب مبلغ كده وايه ويكتب رقم تليفونه وحد يبجي يستلم مني المبلغ ده على الرقم ده بازن الله بحيس ان احنا نقوم الموضوع بسرعة نبادر في - 00:26:21

الاعمال الخيرية. ولكن اللي مش جاهز دلوقتي آآ يعني اللي ما عهاش حته ذهب الوقتي. اللي ما عهاش غويشتين كده وسلسلتين وايه وختمين كده وحاجة آآ حاجة كده بسرعة كده يتصلوا على الرقم ده صفر الف ستين ستين اربعتاشر. رقم بسيط ولا لا؟ صفر الف - 00:26:41

ستين ستين اربعتاشر يعني رقم في غاية السهولة وفي غاية البساطة بفضل ومنة الله. المرة الثالثة الثالثة ثابتة بقى صفر الف ستين ستين اربعتاشر نسأل الله سبحانه وتعالى ان يجعل رمضان هذا خير رمضان مر علينا في حياتنا. وان يجعلنا من الفائزين بليلة القدر وان يفرج كرب اخواننا في سوريا - 00:27:01

وان يأذن لهم قبل العيد بعيد وان يقيمنا على مراده منا. وان يشفي مرضانا ويرحم موتانا. ويؤدي الدين عن مديننا ويفرج كرباتنا ويكشف الهم والغم عن مصر ويؤيد عبده محمد مرسي بمدد من عنده انه ولي ذلك والقادر عليه. سبحانه اللهم وبحمدك - 00:27:21 اشهد ان لا اله الا انت استغفرك - 00:27:41